



**NOGOMETNI / FUDBALSKI SAVEZ
BOSNE I HERCEGOVINE**

**PROPOZICIJE
takmičenja Premijer ženske lige BiH
i završnog dijela Kupa BiH za žene
za takmičarsku sezonu 2026/27**

Sarajevo, Juli/Srpanj 2026. godine

Na osnovu člana 39. i 40. Statuta Nogometnog/Fudbalskog saveza Bosne i Hercegovine, Komitet za hitnost NS/FS BiH, na sjednici održanoj 23.07.2026. godine, d o n o s i

PROPOZICIJE
takmičenja Premijer ženske lige BiH
za takmičarsku sezonu 2026/27

OPŠTE ODREDBE

Član 1.

Ovim Propozicijama utvrđuje se način organizovanja i provođenja takmičenja Premijer ženske lige BiH u takmičarskoj sezoni 2026/27.

UČESNICI TAKMIČENJA

Član 2.

U skladu sa Odlukom Generalne skupštine NS/FS BiH broj: 02-2264-5/25 od dana 12.07.2025. godine i ostvarenih rezultata klubova Premijer ženske lige BiH u takmičarskoj sezoni 2025/26, kao i klubova koji su ispunili uslove za dobijanje licence iz Pravilnika o licenciranju klubova Nogometnog/Fudbalskog saveza Bosne i Hercegovine, učesnici takmičenja Premijer ženske lige BiH u takmičarskoj sezoni 2026/27 su:

- | | |
|----------------------------------|--------------------------------------|
| 1. ŽF/NK 'Emina' Mostar | 6. 'SFK 2000 Sarajevo' Sarajevo |
| 2. ŽNK 'Iskra' Bugojno | 7. ŽFK 'Sloboda 2024' Tuzla |
| 3. ŽFK 'Leotar' Trebinje | 8. FK 'Sloga Doboj' Doboj |
| 4. SFK 'Libero' Goražde | 9. ŽFK 'Spartak' Banja Luka |
| 5. ŽFK 'Radnik BetOle' Bijeljina | 10. ŽNK 'Željezničar' Bosanska Krupa |

Na kraju takmičarske sezone 2026/27 godine iz Premijer ženske lige BiH ispadaju dva najslabije plasirana kluba.

Svi klubovi koji učestvuju u takmičenju Premijer ženske lige BiH moraju imati i odgovarajuću U-17 selekciju koja učestvuje u takmičenju Premijer ženske lige BiH za kadetkinje U-17 na nivou NS/FS BiH u takmičarskoj sezoni 2026/27.

Popuna Premijer ženske lige BiH vrši se sa prvoplasiranim klubovima iz Prvih ženskih liga Nogometnog saveza Federacije BiH i Fudbalskog saveza Republike Srpske koje ispunjavaju kriterije u postupku licenciranja ta takmičenje u Premijer ženskoj ligi BiH.

ORGANIZACIJA TAKMIČENJA

Član 3.

Takmičenjem u Premijer ženskoj ligi BiH rukovodi Komitet za takmičenje NS/FS BiH (u daljem tekstu Komitet), u saradnji sa Službom za takmičenje i suđenje NS/FS BiH.

Član 4.

Takmičenje u Premijer ženskoj ligi se odvija po bod sistemu u dva dijela, a prema kalendaru takmičenja koji donosi Izvršni odbor NS/FS BiH, na prijedlog Komiteta.

PRVI DIO:

Dvokružno (9+9 = 18 kola), a raspored utakmica određuje se žrijebom takmičarskih brojeva, uz primjenu Bergerove tablice.

DRUGI DIO:

U drugom dijelu nastavka takmičenja vrši se formiranje dvije lige, i to Liga za prvaka i Liga za opstanak.

Liga za prvaka formiraju klubovi, kao grupnu fazu, koji su ostvarili takmičarski rezultat (redoslijed) od 1. do 4. mjesta na konačnoj tabeli nakon završetka prvog dijela takmičenja.

U drugom dijelu nastavka takmičenja Lige za prvaka odigrava se dodatnih 6 kola uz primjenu bergerovih tablica, gdje je svaki klub u ligi jednom domaćin i jednom gost, u skladu sa kalendarom takmičenja NS/FS BiH za takmičarsku godinu, a raspored odigravanja utakmica utvrđuje se uz primjenu bergerovih tablica na osnovu utvrđenih rezultata klubova iz tabele i mjesta na kome se nalazi klub u formiranoj ligi.

Liga za opstanak formiraju klubovi kao grupnu fazu, koji su ostvarili takmičarski rezultat (redoslijed) od 5. do 10. mjesta na konačnoj tabeli nakon završetka prvog dijela takmičenja.

U drugom dijelu nastavka takmičenja Lige za opstanak odigrava se dodatnih 5 kola, a raspored odigravanja utakmica utvrđuje se uz primjenu bergerovih tablica na osnovu utvrđenih rezultata klubova iz tabele i mjesta na kome se nalazi klub u formiranoj ligi.

Klubovi koji su nastavili takmičenje u grupnoj fazi kroz Liga za prvaka i Liga za opstanak, prenose sve svoje takmičarske rezultate i disciplinske mjere iz jedinstvene konačne tabele prvog dijela prvenstva kao polaznu osnovu za nastavak takmičenja u grupnoj fazi takmičenja.

Ukoliko dva ili više klubova (ekipa) imaju isti broj bodova na mjestima jedinstvene konačne tabele koja obezbjeđuje takmičenje u Ligi za prvaka i Ligi za opstanak, plasman se određuje na osnovu dodatne pomoćne tabele a na osnovu rezultata koje su u međusobnim susretima ostvarili klubovi sa jednakim brojem bodova. Plasman na dodatnoj pomoćnoj tabeli utvrđuje se zbirom osvojenih bodova, u oba dijela prvenstva.

Ako je zbir osvojenih bodova jednak, odlučuje razlika između datih i primljenih pogodaka/golova. Ako je ishod ponovo jednak, odlučuje veći broj postignutih pogodaka/golova, a ako je i to jednako, odlučuje ukupna gol razlika u prvom dijelu takmičenja svih klubova (ekipa), ako je i to isto odlučuje se žrijebom.

Odluku o izmjenama, od strane Izvršnog odbora NS/FS BiH usvojenog kalendara takmičenja, u slučaju vanrednih okolnosti (vanrednog stanja, stanja elementarne nepogode, promjena u kalendaru međunarodnih takmičenja/natjecanja ili drugih odluka FIFA-e i UEFA-e), donosi Komitet, u saradnji sa Službom za takmičenje i suđenje NS/FS BiH.

Član 5.

Utakmice se igraju u dva dijela po 45 minuta. Odmor između dva dijela igre traje minimalno 10, a maksimalno 15 minuta.

Član 6.

Klubovi su obavezni da najkasnije u roku od 10 dana prije termina žrijeba dostave u Službu za takmičenje i suđenje NS/FS BiH slijedeće informacije:

- naziv stadiona i alternativnog stadiona na kome će igrati utakmice;
- mjesto i vrijeme odigravanja utakmica (subota-nedelja);
- boju opreme (šorc, majica i dokoljenice) i rezervnu boju sa kojom će klub nastupati.

Igračice Premijer ženske lige BiH obavezne su na lijevom rukavu majice nositi logo takmičenja.

Član 7.

Dva posljednja prvenstvena kola drugog dijela takmičenja igraju se istog dana i u isto vrijeme.

Izuzetno od prethodnog stava, Komitet može utvrditi i drugi termin odigravanja utakmice, samo u slučaju da ista nema rezultatski značaj i ishod iste ne utiče na plasman na tabeli.

PROMJENA TERMINA ODIGRAVANJA UTAKMICA

Član 8.

Promjena termina odigravanja utakmice može se vršiti na osnovu pismenog zahtjeva zainteresovanog kluba podnesenog Komitetu najkasnije 8 (osam) dana prije utvrđenog termina odigravanja utakmice, a koji sadrži razlog zbog kojeg se traži promjena termina s predloženom dokumentacijom, iz koje se može utvrditi opravdanost zahtjeva, kao i eventualni prijedlog za novi termin.

U slučaju kada zahtjev za promjenu termina odigravanja utakmice nije podnesen u predviđenom roku iz stava 1. ovog člana, klub je dužan dostaviti i pismenu saglasnost drugog kluba (protivnika) za promjenu termina odigravanja utakmice, a najkasnije u roku od 3 (tri) dana od dana utvrđenog termina utakmice.

Klubovi u takmičenju Premijer ženske lige BiH imaju pravo na odlaganje prvenstvene utakmice, ukoliko je iz njihove ekipe pozvano tri (3) ili više seniorskih igračica, glavni i pomoćni trener za sastav seniorske ženske reprezentacije BiH, U-19 i U-17 reprezentacije BiH.

Odluku o zahtjevu kluba za promjenu termina utakmice iz stavova 1., 2. i 3. ovog člana donosi Komitet.

Odluka Komiteta je konačna i dostavlja se zainteresiranim klubovima i ostalim sudionicima takmičenja.

DUŽNOSTI KLUBOVA

Član 9.

Klub domaćin je obavezan pripremiti teren za igru, a odluku o podobnosti terena za odigravanje utakmice donosi isključivo sudija utakmice.

Utakmice se mogu igrati na stadionima koji imaju saglasnost NS/FS BiH, a odluku donosi Komitet na osnovu izvještaja Ad hoc komisije za pregled stadiona, koju sačinjavaju po jedan predstavnik Komiteta za takmičenje, Komiteta za stadione i bezbjednost, te Generalnog sekretarijata NS/FS BiH.

Član 10.

Klub je obavezan na stadion doći 90 minuta prije utakmice i nastupiti sa najboljim sastavom.

Član 11.

Klub domaćin obavezan je da delegatu utakmice stavi na raspolaganje računar sa internet konekcijom i štampač, te da pruži svu neophodnu pomoć u sastavljanju zapisnika. Takmičenje se administrativno vodi kroz COMET informacioni sistem. Klubovi su dužni da najkasnije 45 minuta prije početka utakmice, dostave delegatu na propisanom obrascu spisak igrača i službenih lica koja će nastupati na utakmici. Sve osobe, igrači i službena lica, sa dostavljenog propisanog obrasca za utakmicu, moraju biti licencirana od strane NS/FS BiH i registrovana u COMET-u.

U slučaju da COMET sistem nije u funkciji, vođenje zapisnika sa utakmice se radi ručno, na za to propisanom obrascu, a delegat naknadno izrađuje zapisnik u COMET sistemu. Ovakav zapisnik sastavlja se u četiri primjerka i potpisuju ga delegat, sudija i predstavnici klubova.

Član 12.

Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti klupske, entitetske zastave, zastave županija/kantona, zastava fair playa. Istaknute zastave moraju biti istih dimenzija.

Postavljanje drugih zastava nije dozvoljeno, a u suprotnom, klub će snositi disciplinske sankcije u skladu sa Disciplinskim pravilnikom NS/FS BiH.

Član 13.

Klub domaćin će na zahtjev gostujućeg kluba, a prema mogućnostima, izvršiti rezervaciju smještaja i ishrane i starati se o njihovom dočeku, boravku i ispraćaju.

Sve troškove iz prethodnog stava snosi gostujuća ekipa, ako drugačije nije predviđeno posebnim sporazumom klubova.

Član 14.

Klub domaćin je dužan da preduzme sve mjere u cilju obezbjeđenja ličnosti članova gostujuće ekipe i službenih lica prije utakmice, za vrijeme odigravanja utakmice i po završetku utakmice, sve do napuštanja stadiona i mjesta odigravanja utakmice. Klub domaćin je, također, dužan da obezbijedi odgovarajuću dežurnu redarsku službu dovoljnim brojem redara, te prisustvo pripadnika policije, ljekara, vozila hitne pomoći i dva do četiri lica sa nosilima te dovoljan broj sakupljača lopti (najmanje 6).

Klub domaćin je obavezan nadležnoj policijskoj upravi prijaviti mjesto i vrijeme odigravanja utakmice te druge relevantne podatke na zahtjev policijske uprave.

Bez pripadnika policije, vozila za hitnu pomoć i ljekara, utakmica se neće igrati.

Za propuste u organizaciji utakmice klubovi će snositi takmičarske i disciplinske posljedice prema važećim propisima NS/FS BiH.

Član 15.

Klub domaćin obavezan je nezavisnoj snimateljskoj kompaniji, koju ovlasti NS/FS BiH, omogućiti adekvatne uslove (na centralnom dijelu stadiona) za snimanje utakmice.

Također, TV kompaniji koja vrši direktan prijenos utakmice, klub je dužan osigurati punu sigurnost za opremu i uposlenike, za vrijeme i nakon završetka utakmice, u objektu stadiona.

Član 16.

Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti slijedeća licencirana lica (u ovisnosti da li je klub domaćin ili gost), a u suprotnom klub snosi disciplinske posljedice:

1. Predstavnik/ca kluba - prikladno obučen/a (obaveza oba kluba),
2. Glavni/a trener/ica - prikladno obučen/a ili u trenerci kluba, licenciran/a od strane NS/FS BiH (obaveza oba kluba),
3. Najmanje jedna pomoćna/e trenera/ice, u trenerci kluba, licenciran/a od strane NS/FS BiH (obaveza oba kluba),
4. Igračice u sportskoj opremi - u markerima,
5. Ljekar kluba (obaveza kluba domaćina),
6. Fizioterapeut (obaveza oba kluba).

Predstavnik/ca kluba, glavni/a trener/ica ili pomoćni/a trener/ica ne mogu biti ista osoba.

Navedena lica obavezna su posjedovati odgovarajuće validne licence evidentirane u COMET sistemu.

Pored gore navedenih lica, svaki klub može dodatno prijaviti i do 5 (pet) ostalih službenih osoba koje mogu sjediti na klupi ekipe (pomoćni treneri, ljekar, fizioterapeut) koje moraju biti licencirane od strane NS/FS BiH. Ako klupa ekipe ima manje mjesta, preostali broj mjesta mora se smjestiti sa strane svake klupe ekipe.

U pogledu ponašanja i odijevanja na ova lica se primjenjuju isti propisi kao i za službena lica unutar tehničkog prostora.

Po završenom procesu licenciranja, službena lica kluba moraju biti registrovana u COMET -u od strane Službe za takmičenje i suđenje NS/FS BiH, odnosno Centra za edukaciju kada su u pitanju treneri.

Validnost evidentiranih licenci i identitet lica mogu kontrolisati samo subjekti koji su ih i izdali i delegat na utakmici. Identitet osoba iz zapisnika utvrđuje se na osnovu fotografije iz COMET -a.

Osobe čiji se identitet ne može utvrditi, nisu registrovane u COMET-u, za funkciju koju obavljaju na utakmici i/ili im validna licenca nije unesena u COMET, ne mogu se nalaziti u tehničkom prostoru, osim zamjenskih igračica za koje važe odredbe člana 20. ovih Propozicija.

KALENDAR TAKMIČENJA

Član 17.

Raspored odigravanja utakmica se objavljuje putem web stranice, i to najkasnije 15 dana prije početka takmičenja.

Raspored odigravanja utakmica nalazi se u COMET -u i sadrži mjesto igranja, takmičarski par i dan sa satnicom odigravanja utakmica, te obavezuje klubove da u skladu s tim odigraju utakmicu.

Utakmice Premijer ženske lige BiH igraju se subotom i nedjeljom. Utakmice koje se igraju ne igraju u dane vikenda, igraju se srijedom.

Član 18.

U slučaju nastanka štete, odgovoran je klub domaćin, koji oslobađa NS/FS BiH svih zahtjeva za naknadu štete nastalu organizacijom utakmice.

NAJMANJI BROJ IGRAČICA U IGRI

Član 19.

Utakmica ne može da počne ako jedna od ekipa nema najmanje sedam igračica.

Igračice koje nisu upisane do početka utakmice u zapisnik sa utakmice ne mogu nastupiti na utakmici.

Ako jedna od ekipa za vrijeme igre ostane sa manje od sedam igračica, sudija je dužan da zaustavi igru, a ako u roku od pet minuta klub ne nastupi s minimalnim brojem igračica, sudija je dužan da označi kraj utakmice.

Član 20.

Svaka ekipa prijavljuje u zapisnik sa utakmice 20 igračica.

U igri učestvuje 11 prijavljenih igračica, a tokom igre može se izvršiti pet zamjena tokom najviše tri prekida igre (u suprotnom ekipe snose disciplinske sankcije).

Ukoliko neka od ekipa nema u zapisniku utakmice prijavljenih najmanje 14 (četnaest) igračica, onda ista snosi disciplinske posljedice.

Član 21.

Ekipe na jednoj utakmici ne mogu igrati u istim ili sličnim bojama dresova. U protivnom, dresove će promijeniti domaća (prvoimenovana) ekipa.

PRAVO NASTUPA IGRAČICA, LJEKARSKI PREGLED I ČLANARINA

Član 22.

Na prvenstvenim utakmicama mogu nastupiti igračice koje su unesene u COMET sistem i koje su stekle pravo igranja prema odredbama Pravilnika o registracijama klubova i igrača i statusu i transferu igrača NS/FS BiH, ukoliko su navršile 16 godina života, kao i igračice koje navršavaju 16 godina u kalendarskoj godini u kojoj se utakmica odigrava, ali sa obaveznom specijalističkim ljekarskim pregledom kod nadležne zdravstvene ustanove u BiH, kojim se oglašava sposobnim za nastupanje na utakmicama seniorskog uzrasta, pod uslovom da je nadležni registracioni savez unio isti u COMET, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog.

Pravo nastupa igračica stranih državljanke regulisano je odredbama Pravilnika o registracijama klubova i igrača i statusu i transferu igrača NS/FS BiH. Klub može imati više registrovanih igračica stranih državljana, koje mogu biti upisane u zapisnik sa utakmice, s tim što 3 (tri) igračice strane državljanke u isto vrijeme mogu biti u igri.

Stranim državljanima u smislu prava nastupa ne smatraju se igračice koji imaju državljanstvo bilo koje od država koje su se nalazile u sastavu bivše SFRJ (Sjeverna Makedonija, Srbija, Crna Gora, Hrvatska i Slovenija), kao i igračice koji imaju državljanstvo neke od država članica Evropske unije, ali za iste ostaju obaveze u skladu sa odredbama člana 18. Pravilnika o registracijama klubova i igrača i statusu i transferu igrača NS/FS BiH.

Igračice sa dvojnim državljanstvom (BiH i neke druge države) ne smatraju se stranim državljanima.

Svaka igračica koja nastupa u takmičenju mora u COMET-u imati unesen period važenja ljekarskog pregleda i period za koji je uplaćena članarina.

Obavljeni ljekarski pregled mora sadržavati obavezujuće elemente koje je propisao Komitet za sportsku medicinu NS/FS BiH.

Za igračicu koji nema upisan važeći ljekarski pregled u COMET-u, delegat utakmice neće dozvoliti nastup na utakmici.

U zapisniku sa utakmice moraju se nalaziti najmanje dvije igračice rođene 01.01.2008. god. ili mlađe, od kojih jedna mora biti sve vrijeme u igri, a druga najmanje 45 minuta. U suprotnom, klub snosi takmičarske i disciplinske posljedice.

Rok valjanosti ljekarskog pregleda za igračice je šest mjeseci, a za igračice mlađe od 17 godina specijalistički ljekarski pregled sa važenjem od četiri mjeseca.

Igračica ne može nastupiti na dvije zvanične utakmice u toku istog dana.

Član 23.

Automatsku kaznu zabrane igranja jedne prvenstvene utakmice, nastalu zbog tri žuta kartona, igračica izdržava na prvoj narednoj utakmici, u skladu sa odredbama Disciplinskog pravilnika NS/FS BiH.

Igračica koja je upisana u zapisnik utakmice, smatra se da nije nastupila ukoliko nije ušla u igru.

IDENTITET IGRAČICA

Član 24.

Na prvenstvenim utakmicama mogu nastupiti samo igračice čiji je identitet utvrđen putem fotografije iz COMET sistema, a u slučaju da COMET nije u funkciji, identitet će se utvrditi na osnovu javne isprave - lične karte ili pasoša, odnosno štampane ID COMET kartice. Za igračicu sa neadekvatnom fotografijom pohranjenom u COMET-u (kada je nemoguće utvrditi identitet), delegat utakmice neće dozvoliti nastup na utakmici.

Identitet se u pravilu utvrđuje prije početka utakmice.

Za igračice koje su zakasnile na početak utakmice, odnosno na početak drugog dijela, a upisane su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

DELEGATICA NA UTAKMICI I ZAPISNIK

Član 25.

Delegaticu na utakmici u takmičenju Premijer ženske lige BiH i završnice Kupa BiH za žene, određuje Komitet za takmičenje NS/FS BiH sa liste delegatica Premijer ženske lige BiH, Prvih liga NSFBiH i FSRs.

Prava i obaveze delegatice na utakmici na ovom nivou takmičenja, uređena su odredbama Pravilnika o nogometnim/fudbalskim takmičenjima BiH i Propozicijama takmičenja Premijer ženske lige BiH, kao i uputstvima koja donosi Komitet za takmičenje NS/FS BiH.

Delegatica predstavlja Komitet i ima vrhovni nadzor na utakmici.

Delegatica na utakmici je obavezna održati radni sastanak (brifing) 60 minuta prije zakazanog početka utakmice i odmah nakon odigrane utakmice unijeti sve podatke o utakmici u COMET sistem, a iste treba sravniti i zaključiti sudija utakmice sa svojom šifrom.

Delegatica utakmice je obavezna odmah po završetku utakmice istu zaključiti putem Fair-playa, a u roku od 24 sati po odigranoj utakmici, sačiniti i zaključiti izvještaj, putem COMET-a, te spiskove igrača podići u COMET sekciju „Dokumenti“, svoga izvještaja.

Komitet donosi posebno Uputstvo o vršenju dužnosti delegata.

Zapisnik sa utakmice se popunjava elektronski, u COMET sistemu. Klubovi su dužni 60 minuta prije početka utakmice dostaviti ovjeren i potpisan spisak igrača i službenika svoje ekipe na propisanom obrascu.

POSMATRAČ SUĐENJA

Član 26.

Posmatrač suđenja određuje Komitet za sudije i suđenje NS/FS BiH.

Posmatrač suđenja daje brojčanu ocjenu suđenja u roku od 48 sati po završetku utakmice.

Izvještaj o suđenju posmatrač suđenja sastavlja prema Uputstvu o ocjenjivanju suđenja, i to u sistemu COMET-a, u roku od 48 sati po odigranoj utakmici.

SUTKINJE / SUCI

Član 27.

Utakmice Premijer lige BiH za žene mogu voditi sutkinje sa liste Premijer ženske lige BiH, koju sastavlja Komitet za sudije i suđenje NS/FS BiH, a po potrebi i sudije sa ostalih stepena takmičenja, čije određivanje vrši Komitet za sudije i suđenje NS/FS BiH.

Član 28.

Nakon određivanja, sudija / sutkinja dobija nalog putem COMET -a od Službe za takmičenje i suđenje NS/FS BiH, u čijem sadržaju mora biti navedeno mjesto, vrijeme i satnica odigravanja utakmice.

Član 29.

Sudija / sutkinja utakmice je dužan / dužna da prije početka utakmice pregleda i odluči da li je teren uslovan za igru. Ako sudija / sutkinja utvrdi da je teren neuslovan za igru, to konstatuje u zapisniku sa utakmice.

ZABRANA NASTUPA ZBOG SUSPENZIJE

Član 30.

Suspendovana ekipa ne može nastupiti na zvaničnoj utakmici sve dok traje suspenzija.

ŽALBE

Član 31.

Žalbe na utakmicu podnose se Komitetu za takmičenje NS/FS BiH koji ih rješava u prvom stepenu.

Žalbe se moraju najaviti uz obrazloženje, elektronskim putem, e-mailom ili faksom koji ima automatski ispis datuma i vremena o najavi žalbe. Najava žalbe se dostavlja u NS/FS BiH u roku od 24 sata po odigranoj utakmici, a pismeno obrazloženje sa dokazom o uplaćenju taksi mora se dostaviti

NS/FS BiH u roku od 48 sati po odigranoj utakmici. Za utakmice posljednja dva kola prvenstva, žalbe se najavljuju i dostavljaju u roku od 2 (dva) dana od dana odigravanja utakmice.

Ukoliko rok za žalbu ističe u nedjelju ili na državni praznik, isti se produžava za prvi slijedeći radni dan.

Žalba se dostavlja Komitetu putem Odjela za ligaška takmičenja NS/FS BiH.

Uz žalbu se dostavlja dokaz o uplaćenju taksi u skladu sa odlukom Izvršnog odbora NS/FS BiH.

Odluke o podnijetim žalbama na utakmice donose se najkasnije u roku od četrnaest (14) dana od dana prijema žalbe, odnosno pet (5) dana ukoliko se radi o žalbi na utakmicu odigranu u posljednja dva kola prvenstva.

TAKSA NA ŽALBU

Član 32.

Iznos takse na žalbu je određen posebnom odlukom Izvršnog odbora NS/FS BiH.

Taksa se vraća podnosiocu samo ukoliko se žalba u potpunosti usvoji.

Član 33.

Nenajavljene, neblagovremene ili neuredno taksirane žalbe neće biti uzete u razmatranje, već će biti odbačene, a utakmica će biti registrovana postignutim rezultatom.

Pri ocjeni pravovremenosti žalbe uzima se u obzir datum prijema e-maila, datum na poštanskom žigu preporučenog pisma, datum na potvrdi o žalbi odaslanoj faksom.

Član 34.

Žalbe na odluke Komiteta za takmičenje podnose se Apelacionoj komisiji NS/FS BiH u roku od osam (8) dana od prijema odluke Komiteta.

Za utakmice dva posljednja kola rok za podnošenje žalbe je tri (3) dana. Žalba se podnosi putem Komiteta čija se odluka žalbom pobija.

Odluke o žalbama protiv odluka Komiteta donose se najkasnije u roku od osam (8) dana, a o žalbama na utakmice posljednja dva kola u roku od tri (3) dana od dana prijema žalbe.

Protiv odluke Apelacione komisije ne može se uložiti žalba ali se može uložiti vanredni pravni lijek Izvršnom odboru NS/FS BiH, u skladu sa odredbama člana 77. Pravilnika o nogometnim/fudbalskim takmičenjima.

Član 35.

U interesu regularnosti takmičenja, organ koji donosi odluke može utvrditi i skraćeni žalbeni postupak.

REGISTRACIJA UTAKMICA

Član 36.

Ako na utakmicu nije uložena žalba, a ne postoje uslovi za registraciju po službenoj dužnosti, utakmicu Komitet registruje postignutim rezultatom.

Ako je prvostepena odluka pravosnažna ili je donesena drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim/fudbalskim takmičenjima NS/FS BiH.

Komitet vrši analizu i registraciju odigranih utakmica na prvoj narednoj sjednici.

Izuzetno, Komitet registraciju odigranih utakmica može izvršiti putem e-maila, telefona ili faksa. Verifikaciju registrovanih utakmica vrši Komitet na prvoj narednoj sjednici.

Ako je na utakmicu uložena žalba, rok za registraciju utakmice se produžava do konačne odluke.

DISCIPLINSKE SANKCIJE

Član 37.

O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH.

UTVRĐIVANJE PLASMANA

Član 38.

Plasman klubova na tabeli utvrđuje se prema odredbama člana 43. Pravilnika o nogometnim/fudbalskim takmičenjima NS/FS BiH.

FINANSIJSKE ODREDBE

Član 39.

Prihodi sa prvenstvenih utakmica pripadaju klubu domaćinu.

Klubovi učesnici PŽL BiH su oslobođeni plaćanja troškova kotizacije za učešće u takmičenju.

Troškove angažmana službenih lica na utakmicama PŽL BiH snosi NS/FS BiH. Također, NS/FS BiH će svakom od klubova učesnika takmičenja za takmičarsku sezonu 2026/27, a u svrhu podrške organizacije utakmica i funkcionisanja kluba uplatiti iznos utvrđen relevantnom Odlukom Izvršnog odbora NS/FS BiH.

U slučaju da se klubovi ne budu pridržavali odredbi ovih Propozicija, ili ostalih odluka NS/FS BiH, NS/FS BiH zadržava pravo da izvrši drugačiju raspodjelu ovih sredstava. Odluku o navedenom donosi Izvršni odbor NS/FS BiH, na prijedlog Službe za takmičenje i suđenje NS/FS BiH.

NAGRADE

Član 40.

Nogometni/Fudbalski savez BiH prvoplasiranoj ekipi Premijer ženske lige BiH dodjeljuje prelazni i pehar u trajno vlasništvo.

Igračima, tehničkom i stručnom rukovodstvu prvoplasiranog kluba dodjeljuje se 45 zlatnih medalja.

Član 41.

Za osvojeno prvo mjesto u fair-playu klubu pripada pehar.

ZAVRŠNE ODREDBE

Član 42.

Za sve što nije predviđeno ovim Propozicijama primjenjivat će se odredbe Pravila Futsal igre, Odluke Međunarodnog BORD-a, Pravilnika o nogometnim/fudbalskim takmičenjima NS/FS BiH te ostalih važećih relevantnih propisa NS/FS BiH, FIFA-e i UEFA-e.

Član 43.

Propozicije stupaju na snagu danom donošenja, a primjenjuju se za takmičarsku sezonu 2026/2027.

P R E D S J E D N I K

Vico Zeljković s.r.

Na osnovu člana 39. i 40. Statuta Nogometnog/Fudbalskog saveza Bosne i Hercegovine, Komitet za hitnost NS/FS BiH, na sjednici održanoj 23.07.2026. godine, d o n o s i

P R O P O Z I C I J E
takmičenja završnog dijela Kupa BiH za žene
za takmičarsku sezonu 2026/2027

OPŠTE ODREDBE

Član 1.

Ovim Propozicijama utvrđuje se način rukovođenja i organizovanja završnog dijela nogometnog/fudbalskog Kupa Bosne i Hercegovine za žene u takmičarskoj sezoni 2026/2027.

UČESNICI TAKMIČENJA

Član 2.

U završnom dijelu kupa Bosne i Hercegovine učestvuje 12 (dvanaest) ženskih klubova i to:

- 4 prvoplasirana kluba iz Premijer ženske lige BiH za takmičarsku sezonu 2025/2026,
- 6 ostalih učesnika Premijer ženske lige BiH za takmičarsku sezonu 2026/2027;
- 1 klub is Nogometnog saveza Federacije BiH,
- 1 klub iz Fudbalskog saveza Republike Srpske

Sve utakmice završnice Kupa BiH za žene se igraju po jednostrukom kup sistemu, na sljedeći način:

- 4 najbolje plasirana kluba iz takmičarske sezone 2025/26 ostvaruju direktan plasman u 1/4 finala Kupa BiH za žene;
- pretkolo u kojem učestvuju klubovi iz Prvih liga NSFBiH i FSRS (2 kluba) i ostali klubovi koji su učesnici Premijer ženske lige BiH za takmičarsku sezonu 2026/2027 (6 klubova);
- klubovi pobjednici utakmica u pretkolu, učestvuju sa ostale 4 najbolje plasirane ekipe iz takmičarske sezone 2025/26 u završnici Kupa BiH za žene (1/4 finala).

UKOVOĐENJE I ORGANIZACIJA TAKMIČENJA

Član 3.

Kalendar takmičenja završnice Kupa BiH za žene donosi Izvršni odbor NS/FS BiH, na prijedlog Komiteta za takmičenje NS/FS BiH.

Takmičenjem rukovodi Komitet, u saradnji sa Službom za takmičenje i suđenje NS/FS BiH.

ŽRIJEB PAROVA KUPA

Član 4.

Raspored utakmica određuje se žrijebom, kojim rukovodi Komitet. Komitet donosi odluku o modalitetu žrijeba. Odluka Komiteta je konačna.

SLUŽBENA LICA

Član 5.

Komitet i Komitet za sudije i suđenje NS/FS BiH određuju delegatice, posmatračke suđenja i sudije/sutkinje, u skladu sa Propozicijama Premijer ženske lige BiH.

ORGANIZACIJA UTAKMICA

Član 6.

Organizacija utakmica se vrši prema odredbama Pravilnika o Nogometnim/Fudbalskim takmičenjima NS/FS BiH i Propozicijama završnog dijela Kupa BiH za žene.

Utakmice su igrane na terenima registrovanim za prvenstvene utakmice klubova učesnika završnice Kupa.

Organizaciju utakmica vrši klub - domaćin.

Organizaciju finalne utakmice Kupa BiH vrši Nogometni/Fudbalski savez BiH.

Član 7.

Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti klupske, entitetske zastave, zastave županija/kantona, zastava fair playa. Istaknute zastave moraju biti istih dimenzija.

Postavljanje drugih zastava nije dozvoljeno, u suprotnom, klub će snositi disciplinske sankcije u skladu sa odredbama Disciplinskog pravilnika NS/FS BiH.

PRAVO NASTUPA

Član 8.

Pravo nastupa na utakmicama završnog dijela Kupa BiH za žene imaju igrači koje ispunjavaju uslove za nastup koji su propisani Pravilnikom o registracijama klubova i igrača i statusu i transferu igrača NS/FS BiH, Propozicijama o takmičenju Premijer ženske lige BiH, kao i uredno evidentiranim ljekarskim pregledom, unesenim u COMET.

Ukoliko neka od ekipa u zapisniku utakmice nema prijavljenih najmanje 14 (četnaest) igračica, ista snosi takmičarske i disciplinske posljedice.

UTVRĐIVANJE PLASMANA

Član 9.

Ukoliko utakmica završi neriješenim rezultatom, pobjednik se dobija izvođenjem udaraca sa tačke kaznenog udarca za dobijanje pobjednika na utakmici, prema Pravilima nogometne/fudbalske igre.

U pretkolu, četvrtfinalu, polufinalu i finalu se igra jedna utakmica. Finalna utakmica igra se u mjestu koje odredi NS/FS BiH, koji je i organizator iste. Ukoliko je nakon isteka regularnog vremena neriješen rezultat, pobjednik se dobija izvođenjem udaraca sa tačke kaznenog udarca za dobijanje pobjednika.

Član 10.

Ukoliko klub, nakon obavljenog žrijeba takmičarskih brojeva, svojom krivicom odustane od Kup takmičenja ili neopravdano ne dođe na odigravanje utakmice, u dalju fazu takmičenja će se plasirati protivnički klub.

Klub koji neopravdano odustane od Kup takmičenja ili neopravdano ne dođe na odigravanje utakmice, snosit će disciplinske posljedice u skladu sa odredbama Disciplinskog pravilnika NS/FS BiH.

FINANSIJSKE ODREDBE

Član 14.

Troškove službenih lica (taksi i putnih troškova) snosi NS/FS BiH.

NAGRADE

Član 15.

Pobjednik Kupa Bosne i Hercegovine za žene dobiva prelazni pehar i pehar u trajno vlasništvo, a igrači, tehničko i stručno rukovodstvo 40 (četrdeset) zlatnih medalja.

Igrači, tehničko i stručno rukovodstvo drugog finaliste dobivaju 40 (četrdeset) srebrnih medalja.

Službena lica (sudije, posmatrač suđenja i delegat) dobivaju 6 (šest) medalja.

Klubovima finalistima Kupa pripada i novčana nagrada u skladu sa relevantnom Odlukom Izvršnog odbora NS/FS BiH.

ZAVRŠNE ODREDBE

Član 16.

Za sve što nije predviđeno ovim Propozicijama, važe odredbe Pravilnika o nogometnim/fudbalskim takmičenjima NS/FS BiH, Pravila Futsal igre i drugih važećih relevantnih propisa NS/FS BiH, FIFA-e i UEFA-e.

Član 17.

Propozicije stupaju na snagu danom donošenja, a primjenjuju se za takmičarsku sezonu 2026/2027.

P R E D S J E D N I K
Vico Zeljković s.r.



NOGOMETNI/FUDBALSKI SAVEZ BIH

Broj: 02 - 2558-2/26

Datum: 23.07.2026. godine

Komitet za hitnost Nogometnog/Fudbalskog saveza Bosne i Hercegovine, na osnovu člana 39. i 40. Statuta Nogometnog/Fudbalskog saveza BiH, na prijedlog Komiteta za takmičenje NS/FS BiH, na sjednici održanoj u Sarajevu 23.07.2026. godine, d o n o s i

O D L U K U

o Kalendaru takmičenja Premijer ženske lige BiH za seniorke i Kupa BiH za žene takmičarska sezona 2026/27

JESENJI DIO

August/ Kolovoz	22./23.08.2026.	1. kolo PŽL BiH	17:00	
	29./30.08.2026.	2. kolo PŽL BiH	17:00	
Septembar/ Rujan	05./06.09.2026.	3. kolo PŽL BiH	16:30	
	12./13.09.2026.	4. kolo PŽL BiH	16:30	
	19./20.09.2026.	5. kolo PŽL BiH	16:30	
	26./27.09.2026.	6. kolo PŽL BiH	16:00	
Oktobar/ Listopad	03./04.10.2026.	7. kolo PŽL BiH	15:30	
	05.10. - 13.10.2026.	INTERNACIONALNI TERMIN		
	17./18.10.2026.	8. kolo PŽL BiH	15:00	
	24./25.10.2026.	9. kolo PŽL BiH	15:00	
	31.10./01.11.2026.	10. kolo PŽL BiH	15:00	
Novembar/ Studen	07./08.11.2026.	11. kolo PŽL BiH	14:30	
	14/15.11.2026.	12. kolo PŽL BiH	14:30	
	21/22.11.2026.	13. kolo PŽL BiH	14:30	
	24.11. - 05.12.2026.	INTERNACIONALNI TERMIN		

PROLJETNI DIO

Februar/ Veljača	23.02. - 06.03.2027.	INTERNACIONALNI TERMIN		
Mart/ Ožujak	10.03.2027.	Pretkolo Kupa BiH za žene	15:00	
	13./14.03.2027.	14. kolo PŽL BiH	15:00	
	20./21.03.2027.	15. kolo PŽL BiH	15:30	
	24.03.2027.	1/4 Finale Kupa BiH za žene	15:30	
	27./28.03.2027.	16. kolo PŽL BiH	15:30	
April/ Travanj	03./04.04.2027.	17. kolo PŽL BiH	16:30	
	10./11.04.2027.	18. kolo PŽL BiH	16:30	
	13.04. - 24.04.2027.	INTERNACIONALNI TERMIN		
	28.04.2027.	1/2 Finale Kupa BiH za žene	16:30	
Maj/ Svibanj	01/02.05.2027.	1. kolo Liga za prvaka PŽL BiH 1. kolo Liga za opstanak PŽL BiH	17:00	
	08/09.05.2027.	2. kolo Liga za prvaka PŽL BiH 2. kolo Liga za opstanak PŽL BiH	17:00	
	15/16.05.2027.	3. kolo Liga za prvaka PŽL BiH 3. kolo Liga za opstanak PŽL BiH	17:00	
	19.05.2027.	Finale Kupa BiH za žene	17:00	
	22/23.05.2027.	4. kolo Liga za prvaka PŽL BiH 4. kolo Liga za opstanak PŽL BiH	17:00	
	29/30.05.2027.	5. kolo Liga za prvaka PŽL BiH 5. kolo Liga za opstanak PŽL BiH	17:00	
Juni/ Lipanj	05/06.06.2027.	6. kolo Liga za prvaka PŽL BiH	17:00	

P R E D S J E D N I K
Vico Zeljković s.r.